



Broj: 03/3-36-1-11374-2/24
Hadžići, 12.10.2024. godine

Na osnovu Javnog poziva za raspodjelu sredstava iz Budžeta Općine Hadžići iz oblasti sporta sa granta »Ostale aktivnosti - sport« i člana 5. Pravilnika o kriterijima, načinu i postupku raspodjele sredstava Općine Hadžići iz oblasti sporta sa granta „Ostale aktivnosti - sport“ na osnovu Prijedloga Komisije za odabir projekata, načelnik Općine Hadžići, donosi

ODLUKU **o raspodjeli sredstava sa granta »Ostale aktivnosti - sport«**

Član 1.

U skladu sa Prijedlogom Komisije za odabir projekata sredstva u budžetu Općine Hadžići sa granta „Ostale aktivnosti – sport“ dodjeljuju se sljedećim aplikantima za njihove projekte u iznosima kako slijedi :

1. TAEKWONDO KLUB „CENTAR“

- Odlasci na međunarodne turnire **(4.000,00 KM)**

2. ŠKOLA FUDBALA „LA PAZ“

- Savremene metode treninga i takmičarskog sporta **(3.800,00 KM)**

3. KICKBOXING POLICE ACADEMY

- Prvi koraci kickboxinga **(3.200,00 KM)**

4. STRELJAČKI KLUB IGMAN

- Postizanje vrhunskih takmičarskih rezultata **(4.200,00 KM)**

5. DEFENDO AKADEMIJA

- MMA – sport budućnosti **(3.800,00 KM)**

6. ATLETSKI KLUB SARAJEVO – SEKCIJA HADŽIĆI

- Pripreme i takmičenja Atletske sekcije Hadžići **(4.100,00 KM)**

7. TKD KLUB ISKRA

- Taekwondo akademija Iskra **(4.000,00 KM)**

8. KARATE KLUB HADŽIĆI

- Karate sport u funkciji suzbijanja maloljetničke delinkvencije **(2.700,00 KM)**

Sljedeći projekti odnosno udruženja, nisu uvršteni u raspodjelu sredstava:

ŠAHOVSKI KLUB „BJELAŠNICA

- Projekat: Državno prvenstvo u šahu

Obrazloženje: U članu V, Javnog poziva navedeno je Prijava treba da sadrži između ostalog kako je navedeno i :“ h) potvrda ili uvjerenje o dva najbolja sportska rezultata u toku godine ekipe ili pojedinca, potvrđena od strane strukovnog saveza ili druge relevantne krovne organizacije.“

S obzirom da imenovano udruženje u svojoj prijavi nije dostavilo traženo, Komisija je označila ovu prijavu kao prijavu s nepotpunom dokumentacijom.

Također, dubljom analizom, utvrđene su nepravilnosti u samom projektu, jer je imenovano udruženje, u projektu tražilo sredstva za projekat za koji su već dobili sredstva u prvom javnom pozivu (3.500,00 KM), te je isto tako i istekao rok održavanja projekta, s obzirom da se Državno prvenstvo u šahu održalo u Neumu u periodu od 01.09. do 08.09. 2024 godine. Povrh svega toga, imenovanom udruženju su za iste namjene isplaćena redovna sredstva u iznosu od 7.000,00 KM 01.08.2024 godine, te vanredna sredstva za iste namjene u iznosu od 2.500,00 KM 29.08.2024 godine. Imajući u vidu sve gore navedeno, ovo udruženje nije uvršteno u raspodjelu sredstava koja se dodjeljuju po ovom Javnom pozivu.

SPORTSKO UDRUŽENJE FUTURO

- Veterani na terenu: Futsal izazov Hadžići 2024
- Treći Futsal turnir za omladince „Diši punim plućima, biraj sport“

Obrazloženje: U članu V, Javnog poziva navedeno je Prijava treba da sadrži između ostalog kako je navedeno i :“ h) potvrda ili uvjerenje o dva najbolja sportska rezultata u toku godine ekipe ili pojedinca, potvrđena od strane strukovnog saveza ili druge relevantne krovne organizacije.“

S obzirom da imenovano udruženje u svojoj prijavi nije dostavilo traženo, Komisija je označila ovu prijavu kao prijavu s nepotpunom dokumentacijom.

UNIVERZALNA ŠKOLA SPORTA - UNISPORT

- Škola skijanja za djecu i omladinu

Obrazloženje: U članu V, Javnog poziva navedeno je Prijava treba da sadrži između ostalog kako je navedeno i :“ h) potvrda ili uvjerenje o dva najbolja sportska rezultata u toku godine ekipe ili pojedinca, potvrđena od strane strukovnog saveza ili druge relevantne krovne organizacije.“

S obzirom da imenovano udruženje u svojoj prijavi nije dostavilo traženo, Komisija je označila ovu prijavu kao prijavu s nepotpunom dokumentacijom.

KICKBOXING POLICE ACADEMY

- Stop nasilju i maloljetničkoj delinkvenciji

ŠKOLA FUDBALA „LA PAZ“

- Omladinske lige KS 2024/2025

Obrazloženje: S obzirom na iznos raspoloživih sredstava iz budžeta sa granta „Ostale aktivnosti-sport“ Komisija je odlučila podržati samo po jedan projekat svakog od udruženja koji su zadovoljili

eliminatorske kriterije. Pri razmatranju koji od projekata podržati, Komisija je uzimala u obzir kvalitet svakog kandidovanog projekta.

Član 2.

Na Odluku o raspodjeli sredstava je dozvoljen prigovor Općinskom načelniku u roku od 5 (pet) dana od dana objave. Nakon isteka roka za prigovor Služba za privredu, finansije i inspeksijski nadzor će sredstva iz člana 1. ove Odluke doznačavati aplikantima u skladu sa projektnim prijedlozima odnosno u skladu sa prilivom budžetskih sredstava.

Član 3.

Aplikanti kojima su dodijeljena finansijska sredstva za projekte odnosno aktivnosti u tekućoj godini, podnose narativni i finansijski izvještaj o provedenim projektima putem Službe za opću upravu, društvene djelatnosti i zajedničke poslove Općinskom načelniku u roku od 15 dana od dana završetka projekta a najkasnije zaključno sa 31.01. naredne godine.

Član 4.

Ova odluka stupa na snagu danom donošenja, a objavit će se na oglasnoj tabli i službenoj web-stranici Općine Hadžići.

O b r a z l o ž e n j e

Dana 17.09.2024 godine objavljen je Javni poziv za raspodjelu sredstava iz Budžeta Općine Hadžići iz oblasti sporta sa granta »Ostale aktivnosti - sport«. Nakon zatvaranja konkursa, Komisija za odabir projekata je prema Pravilniku o kriterijima, načinu i postupku raspodjele sredstava Općine Hadžići iz oblasti sporta sa granta „Ostale aktivnosti - sport“ izvršila otvaranje pristiglih aplikacija i provjeru da li su zadovoljeni eliminatorski kriteriji te pristupila ocjenjivanju pristiglih prijedloga te izvršila odabir projekata. Na Javni poziv se prijavilo 11 udruženja iz oblasti sporta sa 14 projekata od čega je Komisija podržala 8 projekata.

DOSTAVLJENO:

1. Službi kabineta općinskog načelnika;
2. Na oglasnu ploču;
3. Evidenciji,
4. A r h i v i.-

OPĆINSKI NAČELNIK

Hamdo Ejubović dipl.ing.maš.